

# Berastegi 1823: “Berso berriac”

PATZIKU PERURENA\*

Norbaitek eskuz idatzitako bertsopaper zahar batzuk ekarri zizkidan Berastegitik, joan den hilbeltzean, Buztiñeneko seme Javier Salbarredi adiskideak. Deustarako balio zutela uste banuen, non edo han argia emateko suelto.

Kopiak atera eta, paperak itzuli ere bai nik, handik hogeialdira edo. Harrrezkerotik askotan hizketatu gara elkarrekin, eta beti ailego bera Javierrek: *ezer egiñ al dek papertzar aikin*, despreziatuak baneuzka bezala edo. Nik ezetz, egoteko lasai, ailegatuko zaiela eguna.

Baita ailegatu ere. Ondoren datorren bertsopaper hauxe baituzu, Javierrek ikasminez Berastegitik ekarritako hura. Eskuizkribuan dauden bezalaxe pasa ditut nik bertsoak ordenagailura, egiaren garai hartako ortografia deustan ere ukitu gabe, ustez behintzat. Hori bai, zenbait izen eta esaera, neronek nabarmendu ditut beltzez, irakurleak segituan antzeman dezan zertaz ari diren bertsoak.

Edozein modutan, nere eskusartzeak edo hankasartzeak xehero aztertu nahiko dituenak, lan honen akaberan dauka faksimil osoa.

Orain, atsegin baduzu, leitu aurrena bertso guziak, eta gero segiko dugu berriketan, hor tartean ageri den hainbat kontu ttiki jakingarriz:

## BERSO BERRIAC

1

Oraingo pasadizoa  
nai nuque declaratu  
izango dala derizat  
ni ceñec amparatu  
biñipiñ lagun guchic  
ez nabe encargatu:  
ez naizela galduco  
nai badet empeñatu  
cerbait iceguin gabe  
ez nintequeru gueratu

2

Milla ta zorcireunda  
obei garren urtean  
¡O cer penac sortu ciran  
jendearen artean!  
cristandadea besteric  
ezan erreinu batean  
jangoicoaren leguea  
arturic oin pean  
postura onetan luzaro  
gu ecin gueundezquean.

\* Idazole/Escritor.

3

Au zan Marchoco illaren  
bederaci-garrena  
**erregue juramentura**  
obligatu zutena  
publicatu cioten  
bere bicia pena  
ezpazuen eguin nay  
aguincen ciotena  
orduban cumplitu zuten  
zori gaitoco lema

4

Beti presidioan  
da gure **principia**  
numbait ezayo combeni  
gustoric izatea  
baldin posible bada  
biciric etorcea  
demboraz billatuco du  
onec bere cortea  
ordubanchen egongo da  
españian paquea.

5

Erregutu jesi  
ceñec bere partetic  
len bailen libra dezala  
trance orretatic  
falta degun artean  
au bere parajetic  
seburo izango guera  
paquea izatetic  
sin causa ezaigu irten  
guizon ori echetic

6

Estadu negargarrian  
bear guenduen jarri,  
lecu eman bacizayon  
constitucioari  
colorea eman arren  
gañetic edergarri  
religioric gabe  
izango guíñan sarri  
gauza ori sortu zutenac  
bastante dira larri.

7

Oso galdu ez dedin  
gure nacioa,  
condenatu dezagun  
constitucioa,  
libertade gaizto ta  
droga ta sesioa  
ori da legue orrec  
dacarren lecioa  
berriz ere bearco da  
inquisicioa.

8

Orain guizona franco  
badegu español  
esperanza onetan  
guiñaden aspaldian  
cergatican cébilzan  
chit asco picardian  
erdic eciñ fiatu  
echeco familiar  
lanic asco baguenduen  
norc bere alderdian.

9

Guztien aguintari da  
**duque angulema**  
gauzac componcen dabil  
aldan ondoena  
aren contra ciranac  
daducaten pena  
iñundic ecin eguin  
berac nai duena  
juezac emango du  
bear dan ordena.

10

Alabatu dezagun  
gorostidi jauna  
Orrec mereci ditu  
onrra eta fama  
bera etorri zaigu  
franciatic aurrena  
obretan ezagun du  
quizon fiña dana  
ascoc icusi nai du  
zucen dabilena.

11  
Chit da balientea  
beroren batalloya  
beren alde daucazquite  
beac eta goya  
jangoicoac emanic  
orrelaco doaya  
guero ere atera du  
bere arrazoya  
graciac emateco  
orainchen da sasoya.

13  
**Arzaya ta Soroa**  
nundic ote dabilza  
billa nabil arrastoac  
atera albaninza  
ecin cumplitu due  
eman zuen iza  
jangoicoac eztie eman  
orrenbeste dicha  
orain bijoaz *por alto*  
mereci duen guisa

15  
Beren capitanarequin  
**peseta bicoac**  
lapurretan eguiteco  
guztiz ciran pijoac  
bazuec pobreac ciran  
besteac aundiscoac  
aizaqui ona zuten  
**anchicen mendicoac**  
ezdituzte atera  
prodijio gaiztoac.

17  
Constituciozale  
picaro ingratoac  
lucifer eta Barrabas  
ciran becin gaiztoac  
jan edan bicio gaizto  
gañeraco jocoac  
cumplituceco bacituzten  
guri quendutacoac  
eztaquit nola daduzcan  
biciric jangoicoac.

12  
Viva viva **Goristidi**  
gure defensorea  
oy au guizon estimatu  
pareric gabea  
aspaldi iduqui det nik  
bedorren galdea  
cuidadotan beti nola  
dabilen abadea  
asco amparatu du  
gure cristandadea

14  
Orra irugarrena  
orain **Asura** jauna  
guizon abilla dala  
izandu du fama  
logratu izan balu  
deseo zuana  
laster galduco zuen  
gure legue ona  
baño beti esperanza  
jangoicoagana.

16  
Oraingo cenbat guizon  
chit dira ajenteac  
baña gure ezquera  
arras inocenteac  
ya franco icusi du  
necazari jendeac  
orobat adizen dira  
beste trabajanteac  
eztu iñorc ongui arcen  
daducana quenceac.

18  
Iñorc galdecen badu  
peseta bicoaz.  
aurtengo ardien guisa  
diranac badijoaz  
dañu aundiric eztago  
oyec izcutatuaz  
oso ernegaturican  
cebilzan jangoicoaz  
notici obeac ditugu  
(...?) mendicoaz.

|  |  |
|--|--|
| 19   | 20   |
| Constitucio ori<br>bijoa noramala<br>erraz esan dezaquegu<br>arrazoja dala<br>cergatic atera zuen<br>pensamentu argala<br>aspaldian izan due<br>bear aimbat gala<br>orain cantacea due:<br>viva <b>lairon</b> tragala. | Orra orain obey verso<br>sermoy baten pare<br>oraingo ocasioac<br>obligatu nabe<br>iñorc eguin nai badu<br>arrazoyen jabe<br>miñ artuco duenac<br>nosqui badirade<br>orra nic declaratu<br>errecelo gabe |

### ORDUKO GIRO POLITIKOAZ ZERBAIT

Bertsook beren garaian eta giroan ongi ulertzeko, Auspoaren Sail Nagusiko *Karlisten Leenengo Gerrateko Bertsoak* izeneko liburua leitzea komeni luke irakurleak, dena ez bada ere, gutxienez, gerrate “realista” delakoaz ari diren aurreneko ehunen bat orrialde bai behintzat; hantxe aurkituko baititu, hemengo kontu asko ulertzeko behar dituen argitasunak, Antonio Zavalak orriz orri emanak. Nik ere, hantxetik hartu ditut argibide asko, eta nere oharretan, *ASN4 (Ausporen Sail Nagusia 4)* laburduraz adierazi, liburu haren ai-pamena egin dudan bakoitzean.

Frantzestea (1808-1814) bukatu ondoren, Espainiara itzuli zenean, Fernando zazpigarrenak Kadizko Konstituzioa (1812) baztertu eta berriz atzera *absolutismoa* ezarri zuen. Orduan, Konstituzioaren alde zirenek, *liberalek* alegia, herbesteria jo behar izan zuten.

Gobernu *absolutista* hark sei uztez iraun zuen, baina 1820ko Urteberri egunean, Riego jenerala Konstituzioaren alde altxatu, eta han eta hemen aldeko asko sortu zitzzion esker, Fernando erregek berriz atzera amore eman behar izandu zion Konstituzioari. Martxoaren bederatzian zin eginarazi, eta bihamaronean bertan publikarazi zioten liberalek, erregeak berak sinatua, honako agindu hau: *Marchemos francamente, y yo el primero, por la senda constitucional*. Bistako da, isilik bai, baina, berenak gogoan zituztela geldituko zi-rela *realista* zaharrak.

Beste hiru urtean (1820-1823), erdaraz *trienio liberal* deituan, eutsi zioten nolahala liberalek beren buruzagitzari, baina, belaxe *realistak* gailendu ziren atzera. Izanez ere, garai hartan, Europa osoan kasik, *abosolutismoa* baitzen nagusi. Baita Fraintzin bertan ere; hain xuxen, Luis XVIII erregeak bidali baitzituen, «*San Luisen ehun mila seme*» Espaniako *realistei* laguntzera.

Bidasoaz honuntz 1823ko apirilaren 7an igaro omen ziren soldadu *luistar* haien, eta bidean eragozpen haundirik gabe, noski; aste bete baino lehen Bilbon baitziren, eta hilabete pasatxora berriz Madrideren. Donostian, ordea, bu-ruilaren 27ra arte ez omen ziren sartu; liberalak inon baino gailenago ziren sinale.

Dena dela, *realisten* gerraldi hark, badirudi, ez duela horrenbesteko arrastorik utzi gure gogoenean. Hala esaten baitu Antonio Zavalak ere:

...*realisten* gerra ori (1821-1823) beste bi gerra aundiren arteko gerra txiki bat izan zan: frantzestea (1808-1814) eta leenengo gerrate karlista (1833-1839) bitarteko. Eta aundiak txikia estali egiten du beti (ASN4, 53.or.).

## Berso berriac.

33

Oningo <sup>nugue</sup> pasaderoa  
nugue declaratu  
izango dala donzel  
ni ni eror amparatu  
binpin lagun goetie  
ez nabe encargatu  
ez nazala galduoos  
naibadet empenatu  
cerbait izeguin habe  
ez nintegue Guerater.

Milla ta zorvorinda  
obei garren artean  
la cen penac sortu eran  
jendaren artean!  
erstandadea bestiriz  
ezan ordeinu balean  
jangroicowaren lekuak  
arturio oin piean  
postura oketan luxuro  
gu oean guen de quean.

Au zan Marshoco illaren  
bederaci-parsona  
orpegele juranmuntarri  
obligatu zuten  
publicatu ciolen  
bere bidea pena.  
ezpazien equin nay  
aguncin asteroa  
orduban completeness zuten  
zori gaixtoeo lema.

Beti presidioan  
da gure principia  
sumbuit, ezago combonu  
gutxira izatea  
baldin pribile bada  
bairei dorrea  
domboraz billatacudri  
onei bere cortea  
ordubanchoen egangoda  
espanian paguea?

Erregulu jersui  
cinec bere partetik  
lo baien libradexalak  
france orretak  
fitter degun arlean  
ari bere parajetic  
eburo <sup>izangozurrak</sup>  
paguea ixatetik  
sia oina exaiquinton  
guizon ore ehetetik. \*

Estadu negorgarrian  
bear gunduen jarriz  
leku eman bazezizten  
constitucioare  
colorak eman artzen  
ganetik edergarri  
religioie zube  
izango guinan sarriz  
gauza ore sortuzatenak  
bastante sita larsi.

Ojo galdu ez dedin  
gure nacioa  
conde nati de zaguin  
constitucioa  
libertade giz tota  
droga ta sejioa  
ore da leque orrec  
lakarren lecioa  
berriak ore bearcorda  
inguruztua.

Otam gueziona franco  
badiga espanian  
opiran za ontan  
gunaden aspaldian  
engelikan zehiztan  
skit aro pizardien  
ortek oyn fiatu  
echego familiak  
lame aroko baguenduen  
nire bere alderrian.

9  
Guztler aguuntarida  
duquean guilma  
gauzae componendabil  
aldan on hoena  
aren contra ciruzae  
daducaten pena  
inundie con equis  
borae naiduna  
juzae emangodu  
beardan ordena.

10  
Alabalu dezagu  
gorostidi fausta  
orec merecidita  
onra eta fama  
bera storm zaique  
frapoidie aurona  
obrylan ozagundu  
guzen fina dona  
avoc iuso d'naidu  
acun ddabillena.

11  
chit da balintia  
beroren batalloya  
beren alde daucazquite  
bezq eta goya  
jangoicoa emanie  
orrelaco doyoi  
guero ore alteradu  
bere arrazoya  
graciaz emaleco  
oraunchen da pasoya.

12  
Viva viva gorostidi  
gure defensora  
oy au guizon estimatu  
pareric gabea  
asfaldi iduqui letnic  
bedorren galdea  
ciudadolan beti nola  
dabillen abadea  
avco amparatu dei  
gure constandadea?

13  
Straya ta Vorra  
nundek ole dabilzor  
billa nabil arrastoac  
atera albanizca  
con cumplitu due  
eman zuun iz  
jangocoac extie eman  
orrembeste dicha  
orun bijoaz por alto  
mereci duon quiza.

14  
Otra irugarriona  
orun astro fauna  
jeuxon abellgadala  
mazandulu fama  
to gratu izanbulu  
sueo zuana  
lajles galduco zuun  
gure illopu ona  
panu. Betti esperanza  
jangocoaganda.

15  
Beron capitulananequin  
peseta biceae  
lapurretan eguitac  
juxtz eran pijoac  
baruec pobrec acaran  
beteac aundiozcoac  
azaguina ona zuten  
anchicor mendicoac  
ordituzte ateria  
prodijo gaiztoac

16  
Oringo combat guizon  
chit lisa qyentiac  
bona que exquera  
arras inocentiac  
ya franco. iusidu  
hecazari fendeac  
orovat ddizendira  
teste trabajanteac  
extu inor ongi arcen  
daducana quenceac.

Constituciozale  
 picaro ingratuac  
 lucifer eta Barabas  
 eran bein gaituac  
 jan edan bicio gaito  
 gahetua jowac  
 ampliarico baxitutzen  
 guri quendutacoa  
 extaquit nola daduzcan  
 biciric <sup>13</sup> fangoicoac.

Iñore galdecen badu  
 poeta bicoaz  
 aurtenge artien guisa  
 dianac badiroaz  
 dana aundistic ortago  
 oyez oxutatuaz  
 bigo ornegaturican  
 cebilzan fangoicoaz  
 notici obiac ditugiz  
 mendigoaz.

Constitucio ~~feile~~ ori  
 bikoz noramala  
 erraz ezaquegu  
 arrazteria dala  
 cergatik ateraazuen  
 plonkamentu argala  
 apaldian izan due  
 bear aimbat gala  
 orain optateca due  
 pista aurion trazala.

<sup>20</sup>  
 Ora orain obey vero  
 sermoy baton pare  
 orango ocaioac  
 obligatu nabe  
 indre eguin naibadu  
 arrazoyen jabe  
 mun artuko duunac  
 nozqui badirade  
 ora nio declaratu  
 errecelo gabe

Horra zergatik pasa izanen ziren isil samarrean hemengo bertso hauek ere. Ez baitakigu gainera, inoiz imprimatu baziren ere. Nik ezetz uste, bestela, orduko inprintaren batean edo beste zokoren batean azalduko baitzen kopia moldez jotakoren bat. Eta nik dakidala, behintzat, ez da inon azaldu. Izan ere, orduko giroa, ez baitzen batere samurra izanen, bertsoak inprintaratu eta nolanahi zabaltzen hasteko.

### NOIZ IDATZIAK OTE DIREN?

Nere suma oker ez badabil, Gorostidi jenerala Fraintzitik etorri eta liberalen aurka altxa zenetik gutxira, 1822 urtearen atzen aldera, edo 1823aren aurrenetan, idatziak behar dute bertsook. Edozein modutan ere *trienio liberala* (1820-23) azkeneko putzeten zela. Bertso sail honetako bigarrenak, hala-ko zerbaiz adierazten baitu, nere idurituan:

2

Milla ta zorcireunda obei garren urtean  
¡O cer penac sortu ciran jendearen artean!  
cristandadea besteric ezan erreinu batean  
jangoicoaren leguea arturic oin pean  
postura onetan luzaro gu ecin gueundezquean.

Bertso horren bukaeran esaten den, “*postura onetan luzaro gu ecin gueundezquean*” horretatik, bai batirudi liberalen aldia ahulduxe eta *realistak* nagusitzen hasiak direla atzera. Horrez gainera, giputz *realisten* buruzagia, Gorostidi jenerala, goitisko harroturik dabilenekoak direla ematen dute honako hiru bertso hauek:

10

Alabatu dezagun **gorostidi** jauna  
Orrec mereci ditu onrra eta fama  
bera **etorri zaigu franciatic** aurrena...

11

Chit da balientea berorren **batalloya**  
beren alde daucazquite beac eta goya...  
graciac emateco orainchen da sasoya.

12

Viva viva **Goristidi** gure defensore  
oy au guizon estimatu pareric gabea...  
asco amparatu du gure cristandadea

Inondik ere, liberalen kontrako burruka irabazixeak dutela, Gorostidiren aldeko *realistak* animatzera datozena dirudi, bertso horiek.

Nola alde batekoak hala bestekoak, amorru gorrian gerran zebiltzala, nor atrebitu ordea, bertso horiek inprintaratu eta publikatzera? Nik uste, egilearen eskuetan bertan gelditu izanen zela bertsopaper hau, sekulan inprintara gabe; eta ez asko fida, apaizen batek sermoian botatzeko idatziak izatea ere,

herriko jendeari Gorostidiren alde eragiteko. Hain zuen, Tolosatik Donostira bitarte honetan izan baitzituzten *realistek* istilurik haundienak, *liberalak* mendean hartzeko.

Zirena zirela, bertsoon balio politikoarekin bukatzeko, honatx, berriz ere, Antonio Zavala jaunaren iritzi argigarria:

*Gerra orri realista esaten bazaio ere, karlisten leenengo gerratearekin zer ikusirik asko du. Izen ere, karlistatean burukatu ziran bi taldeak ordurako osatuta baitzeuden: liberalak alde batetik, eta bestetik realistikak, andik urte gutxira karlistak izango ziranak alegia.*

## ORDUKO GUDALBURU BATZUK

Bertsopaper honetan azaltzen dira hainbat izen, gerrate hartan gudarien buru ibili zirenenak, eta jakin nahi izatera, hona haietako batzuren argitasun batzuk:

**-Gorostidi:** Apaiz militar honetaz, hala dio Antonio Zavalak:

“Frantzisko Maria izenez, Albizturen jaioa. Frantsestan parte artu zuan, Espoz y Mina eta Jauregiren agindupean. Gerra ori bukatu eta Anoetako erretore izan zan. Ostera ere gerrara atera zan 1822an, liberalen aurka oraingoan, talde baten buruzagi. Erri eta toki izen asko aitatzen dira aren ibilladietan: Zegama, Motriku, Zarautz, Aia, Urdaneta, Iraeta, Lastur, Itziar, Mendarо, Markina, Urrestilla, Beizama, Lizarra, Arroniz, Dicastillo, San Martzial, Irun, Bera-Bidasoa...”

Gerra Ondoren, Fernando VII garrenak Santiago-Konpostelako kanonigo egin zuan. Erregea ildakoan, Don Karlosen alde armak artu zituan. Baiña, Cabana mendian, Tabeiros erriaren sailletan, Pontevedra probintzian, prisiónero artu zuten, eta afusilatu.

Liburuxka bat atera zan aren guerrako ibilladiekin: *Relación histórica de las operaciones militares del Cuerpo de guipuzcoanos realistas acaudillados por el presbítero don Francisco María de Gorostidi... San Sebastián. Imprenta de Ignacio Ramón Baroja. Año 1824.* Argitalpen ontan oinarriturik, artikulu bat idatzi zuan Pio Barojak 1933 urtean: *O.C., tomo V, 1177.* orrialdean. Guk emen esandakoak idazlan orretatik artuak dira”. (ASN4, 41.or.).

**-Artzaia:** Honela aitatzen du Aita Zavalak:

“Gaspar Jauregi jenerala, Artzaia esaten ziotena, Urretxukoa zan, eta gazte denboran artzai izana. Ortik beraren izengoitia. Frantzesen kontra asi zan gerran; eta, graduak irabaziz jeneral izateraiño iritxi. Fernando VII garrena erregea il zanean, Frantzian bizi zan. Baiña liberalak etorri arazi zuten, eta 1833ko azaroaren 6an *comandante de la columna de voluntarios de Guipúzcoa izendatu*”. (ASN4, 131. or.)

Bere izenean ateratako bertso sail bat ere bazuen *Artzai honek*, Hona ale batzuk:

Don Gaspar de Jauregui orobat Artzaia  
itzegenit dizute euskaldun anayak;  
entzun bada arretaz, nere ots ta deiak:  
ez dakar gauza onik seta edo leiak.

Probintzia onetan tropen buruzagi  
denbora gutxi dala nau erregiñak jarri  
sotilki nai nioke ekin nik lanari  
antustea ez nazan arrotu geiegi.

Ekusten banaiz ere gaur txit goratua,  
nere gazte denbora ez daukat aztua;  
nekazarietatik izanik sortua,  
oien galeraz nago agitz penatua.

Horra zurikeria eder askoak, bertso bidez nekazari jendea bereganatzeko.

-**Duque angulema:** Angulemako dukea, alegia. Luis Antonio Borbongoa zen, Artoisko kontearen semea. Bere lehengusina Maria Teresarekin, Luis XVI.aren alabarekin, ezkondu zen 1799an eta ez zuten ondorerik izan. Napoleonen aurka Midi aldeko jendea altxarazten saiatu zen. Bertsook ipini ziren garaian, *luistarren gidari ibili* zen Espanian barrena, baina, 1830an exiliatu egin zen atzera, aitarekin batera

-**Soroa:** maiz azaltzen da garai hartako bertsopaperetan, baina, Aita Zavalak ere ez du ematen gudalburu liberal honen argitasunik.

Ikus, bestetan beste, ASN4, 20. orriko 22. bertso hasieran:

*Iriarte, Soroa –bijak ze mutillak!–  
Esanik dirianok ginala serbillak...*

-**Asura:** deitura ofiziala ote da *Asura*, edo izenordea, *Asurakoa* zelako? Ze-na zela, Eratsungo Asurako eta Zumarrertzako burniolen jabe izandako Muñagorri eskribau eta foruzale sonatua ekarri dit gogora izen horrek. Gauza jaka baita Asuran lo eginez eta maiz ibilia zela. Ez ote zioten horregatik, herrian bertan, Berastegin alegia, *Asura* deituko? Muñagorri bera ez bada ere, ez ote liteke haren langile taldeko olagizon *Asurar* liberalen bat izan *Asura* horri? Auskalo... Uste baitut *Asura* apelidoko jende franko bazela Gipuzko aldean zabaldua, eta haietakoren bat izatea ere ez harritu, Asurako burniolekin eta Muñagorrirekin deus ikustekorik ez duena.

-**Anchiz-en mendicoac (?):** Anchiz edo delako hori jende izena ote da? Nik uste baietz. Garai hartan soldadu talderen baten buru zebilena, baina, bertsogileak ongi menderatzen ez duen izena, seguru aski ere. Ikus hemezortzigarren bertso amaiera. Han ere, zalantzagatik edo, aipatu gabe uzten den izena hauxe bera dela baitirudi. Ez ote da *Frantxo* izanen? Ikus ASN4 an, 28 eta 41 orriak. Honela dio Antonio Zabalak:

*Aitatzen diren beste jaun oien aztarrenik ez degu arkitu, Frantxo eta oien alegia, billa saiatu bagera ere.*

Beste zenbait izen ere aipatzen da bertso hauetan, baina horien argitasun pizarrok, bertso bakoitzaren azpi-oharretan ematen dizkizut gero.

## GARAI HARTAKO JERGA POLITIKOA

Garai hartako gudalburuen izenak eta izengoitiak ezezik, politikan erabili ziren esamolde eta hitz berezi batzuk ere ageri dira bertsoetan, eta honatx nabarmenenetako batzuk segidan:

-**Peseta bicoac:** *liberalac, konstituzio zaleak...* Honelatsu dio Lehen Karlistadako kopla ezagun hark ere:

Gobernuak baditu *pezeta bikoak* (bis)  
Bai eta Don Karlosek bolontarioak  
Bolontarioak, ez jornaleroak.

Beren burua *pezeta bitan* saltzen zutelakotz edo, *jornaleroak* ere deitzen zien liberal konstituzio zaleei realistek. Eta liberalek berriz, *serbilak*.

-**Trágala:** Garai hartan maiz erabilitako hitza. Honela dio Antonio Zavalak: “Liberalen kanta zan ori, realistei burla egiteko asmatua (...) estribilloak onela zion guxi gora-bera: «Trágala, trágala tú, servilón, tú que no quieras Constitución». Esaera ori eguneroko izkeran sartu zan gero, eta gaur egunean ere erabiltzen da: cantarle a uno el trágala. Iñori gogoko ez duana irentsi araztea esan nai du” (ASN4, 40. or.).

Testubarren horretan sortua zen *serbil* deitura iraingarria ere:

*Amaika bidar etzun genduban trágala,*  
*zalako gure errija ziñuen serbilla*  
(ASN4, 21. or. 24. bertso bukaera).

Liberalak realistei edo monarkia zale absolutistei deitzen zien *serbilak*, gihar giharretik iraindu asmoz. Manezaudi luzaidarrak ere hala dio absolutisten gerrate hartaz ipinitako *Donostian Soldado* izeneko bertso sailean:

*Nafarroako serbil lepondo gorriak*  
*Luzifer lotsa diro haien koloriak.*

Eta J. M. Satrustegi zenak esaten zuen, bertso horietan erriberakoak dirla “*Nafarroako serbil lepondo gorri*” horiek. Gu, aldiz, *montañesak*, mendialdeko nafarrok.

-**Lairon(ak):** liberalak ziren *laironak*, eta zenbait aldiz *lairon arruak* deitzen zieten realistek. Nondik sortua ote da gure kanta zaharretako lelo onomatopeiko hutsa dirudien hitz sorgin hori? Orotariko Euskal Hiztegiak jaso ez badu ere, usu ageri baita garai hartako bertsoetan. Hara nola:

*Sabelak estututa, ezpanak sikurik,*  
*dabiltz laironak orain buruz beraturik*  
*poltsak urritu eta, ez adiskiderik...*

*Tragau biarko dala euren aginduba*  
*dogu lairon arruen lelo ta suñuba...*  
(ASN4, 26. or. 8. bertso amaiera).

*Baña damatxu arro ta bere laironak,  
Napoleontar almutz ondo ezagunak,  
leenago ler egingo dozube guztijok  
guri ezarri baño zuben buztarrijok*  
(ASN4, 28. or. 14. bertsoa).

*Ai, liberal tristiak, egin dau zubenak  
laster dozuz ikusi betiko azkenak.  
Laironak lutuz dagoz, damia geixorik,  
ez dago osatzeko iñun medikurik.*  
(ASN4, 29. or. 21. bertsoa).

*Agur bada betiko, liberal arruak  
agur lairon ta dama agonijakuak.  
Kadiztik urten eta biurtu bertara  
zuben azur ustelok an obitutera.*  
(ASN4, 30. or. 24. bertsoa).

Bistan da, beraz, hitzetik hortzera erabilia izan zela *lairon* hitza, realisten eta liberalen garaiko esparru bizi hartan. Bordaxuriko amona zenari behin baino gehiagotan entzun izan omen dio Javier Salbarredik *lairona* hitza Berastegian, gutxi gorabehera *bilaua, traideoa* edo gisako esanahiarekin. Kontuak hola, uste dut ongi merezia lukeela txoko ttiki bat euskal hiztegietan ere.

-*Viva viva!....* Jakinen nuke pozik, lehendik nola adierazi duen euskaldunak esklamazio modu hori, bere hizkera naturalean, euskaraz alegia? Sabino Arana Goiri gidari zutela, jeltzale garbizaleek *Gora Euzkadi!* sortu eta ugaldu zutenean, falanjistek aterea izan behar du “*Arriba España*” sonatu hora ere, jeltzaleen kalko hutsez eta mendekuz. Edo alderantziz ote da?...

Dena dela, nik uste, orduko eta puskaz lehenagoko euskaran ere, *Viva!* edo *Biba!* zela Bizkaитik Zuberoaraino erabiliena. Baino ez du merezi gauzak nahasten berriz hasteak. Ikus, nahi izatera, auzi zaharberritu honen gainean “*Dakiguna ikasten*” liburuan 63-66 orrietan neronek orain berriro esandakoak.

#### BESTE OHAR TTIKI BATZUK, BERTSORIK BERTSO

Aurreneko txandan bertsoak leitu, eta baliteke, gauza asko ez ulertu iza-tea. Orain berriz ikus ditzakezu, hona arte esandakoaz gainera, neronek bertsoz bertso egindako azpi-ohar ttiki batzutan erreparatuz. Bai, badakit, nere oharpen ezerez horien ordez, zuk beste batzuk eginen zenituzkela, segu-ru aski. Egin bada, nereak zuzendu eta edertuz, nik behintzat, bihotzez es-kertuko baitizkizut.

1

Oraingo pasadizoa  
nai nuque declaratu  
izango dala derizat<sup>1</sup>

<sup>1</sup> *derizat:* deritzat: iruditzen zait, *eritzi* aditzaren erabilera trinkoa.

ni ceñec amparatu  
biñipiñ lagun guchic  
ez nabe<sup>2</sup> encargatu:  
ez naizela galduco<sup>3</sup>  
nai badet empeñatu  
cerbait iceguin<sup>4</sup> gabe  
ez nintequer gueratu

2

Milla ta zorcireunda  
obei garren urtean  
¡O cer penac sortu ciran  
jendearen artean!  
cristandadea besteric  
ezan erreinu batean  
jangoicoaren leguea  
arturic oin pean  
postura onetan luzaro  
gu ecin gueundezquean.

3

Au zan Marchoco illaren  
bederaci-garrena  
erregue<sup>5</sup> juramentura  
obligatu zutena  
publicatu cioten  
bere bicia pena  
ezpazuen eguin nay  
aguincen ciotena  
orduban cumplitu zuten  
zori gaiztoco lema

4

Beti presidioan  
da gure principea<sup>6</sup>  
numbait ezayo combeni  
gustoric izatea  
baldin posible bada  
biciric etorcea  
demboraz billatuco du

<sup>2</sup> *nabe*: naute. Leitzako adizkera ekarri dit gogora. Badira *leitzarrismo* gehiago ere tarteka: 1/5 *biñipiñ*; 2/2 *obei* + 19/1 *obey*; 13/3 *arrastoac*; 19/4 *nabe* berriz ere.

<sup>3</sup> Horretan sinale, giro gaiztotu hartan, bertsoak ateratzeak bere arriskua bazuela.

<sup>4</sup> Honezkero konturatuko zinen, bertso berriion egileak ez dituela oraindik *tz*, *ts*, *tx* euskal fone-mak ezagutzen, beti *z* (*c*), *s*, *ch* forman idazten baititu, garai hartan normala zen bezala: 1/9 *iceguin*: hitzegiñ; 3/1 *marchoco*: martxoko; 3/2 *bederaci*: bederatz; 3/8 *aguincen*: agintzen; 4/3 *ezayo*: etzaio; 5/9 *ezaigu*: etzaigu... Erne, beraz, nahastu gabe.

<sup>5</sup> *errege* hitza -a itsatsirik gabe darabil, *erregea* jarri behar zuen bestela.

<sup>6</sup> Fernando VII. erregea, liberalen menpe Frantzian dagoena, alegia.

onec bere cortea  
ordubanchen<sup>7</sup> egongo da  
españian paquea.

5

Erregutu jesusi  
ceñec bere partetic  
len bailen libra dezala  
trance orretatic  
falta degun artean  
au bere parajetic  
seburo<sup>8</sup> izango guera  
paquea izatetic  
sin causa ezaigu irten  
guizon ori echetic

6

Estadu negargarrian  
bear guenduen jarri,  
lecu eman bacizayon  
constitucioari.  
colorea eman arren  
gañetic edergarri  
religioric gabe  
izango guiñan sarri<sup>9</sup>  
gauza ori sortu zutenac  
bastante dira larri.

7

Oso galdu ez dedin  
gure nacioa,  
condenatu dezagun  
constitucioa,  
libertade gaizto ta  
droga ta sesioa<sup>10</sup>  
ori da legue orrec  
dacarren lecioa  
berriz ere bearco da  
inquisicioa.

8

Orain guizona franco  
badegu español  
esperanza onetan

<sup>7</sup> *ordubanchen*, hurrena berriz, 11/10 bertsolerroan *orainchen* azken -n horrekin.

<sup>8</sup> *Seburo*: seguro. Bihurrera honek, *g**<**b*, beste hitz bat ekarri dit gogora: *abudo* < agudo.

<sup>9</sup> *Sarri*: laster, belaxe, geroxeago, denbora gutxi barren.

<sup>10</sup> *Sesioa*: elkarren arteko gatazka, istilua... Badirudi, bertso honetako diskurtsoa sekula guzikoa izan duela jendaje kontserbadoreak, gaur ere igoaltsu segitzen baitu.

guiñaden<sup>11</sup> aspaldian  
cergatican cebilzan  
chit asco picardian  
erdic eciñ fiatu  
echeco filialian  
lanic asco baguenduen  
norc bere alderdian.

9

Guztien aguaintari da  
**duquean gulema** (sic)<sup>12</sup>  
gauzac componcen dabil  
aldan ondoena  
aren contra ciranac  
daducaten pena  
iñundic ecin eguin  
berac nai duena<sup>13</sup>  
juezac emango du  
bear dan ordena.

10

Alabatu dezagun  
gorostidi<sup>14</sup> jauna  
Orrec mereci ditu  
onrra eta fama  
bera etorri zaigu  
franciatic aurrena  
obretan ezagun du  
quizon fiña dana  
ascoc icusi nai du  
zucen dabillena.

11

Chit da balientea  
berorren batalloya  
beren alde daucazquite<sup>15</sup>

<sup>11</sup> *giñaden*, ikus gero, berriz 19/8an *dirade*. Nondik sortua ote dugu aditz buztan *parasito* hau, -de: *dirade, ziraden, gerade, giñaden, zerade, ziñaden...* Ez ote da erdararen kalkoz hizkera jasoago edo no-bleago erabili nahi antzu batek kutsatua izanen? Honela darabil, bestear beste, Kixotek, lehen parteko XIV. kapituluaren akaberan: *si destá contienda y caída quedárades con vida* eta baita XIX kapituluaren bukaera aldera ere: *Si no os picárades más de saber(...), vos llevárades el primero en licencias, como llevastes cola.* Ez dakit euskal filologoek aztertua duten aspaldiko *aditz-buztan* honen sorrera eta ibilera luzea, baina, horra nik nere ezjakin guzian hizkuntza batetik besterako zubiaren sokamuttur batzuk azaldu. Garaitsu berean, J.I.Iztuetak ere, barra barra darabil, *Gipuzkoako dantza gogoangarrien kondairan*, hasiera beretik: *diradenak, zeraden, geradenentzat, etziñaden, diradela, ziradelarik...*

<sup>12</sup> Ikus ORDUKO GUDALBURU BATZUK atalean duke honen datuak.

<sup>13</sup> *berac naiduena: berec nahi dutena.* Lehendik konturatuko zinen, Bertso hauetako adizkeran, galdu egiten dela *u-e* bokal arteko *-t-* hori: 13/6 *ecin complitu due, eman zuen iza:* ezin kunplitu dute, eman zuten hitza. 18/7 *izan due*: izan dute; 20/7 *duenac*: dutenak.

<sup>14</sup> Ikus ORDUKO GUDALBURU BATZUK atalean jeneral honen kontuak.

<sup>15</sup> *daukazkite: dauzkate, daduzkate.* Goizuetan *dauzkite* esaten dugu oraindik.

beac eta goya  
jangoicoac emanic  
orrelaco doaya  
guero ere atera du  
bere arrazoya  
graciac emateco  
orainchen da sasoya.

12

Viva viva **Goristidi**  
gure defensorea  
oy au guizon estimatu  
pareric gabea  
aspaldi iduqui det nik  
bedorren<sup>16</sup> galdea  
cuidadotan beti nola  
dabilen abadea<sup>17</sup>  
asco amparatu du  
gure cristandadea.

13

**Arzaya**<sup>18</sup> ta **Soroa**<sup>19</sup>  
nundic ote dabilza  
billa nabil arrastoac  
atera albaninza  
ecin cumplitu due  
eman zuen iza  
jangoicoac eztie eman  
orrenbeste dicha  
orain bijoaz *por alto*  
mereci duen guisa

14

Orra irugarrena  
orain **Asura** jauna<sup>20</sup>  
guizon abilla dala  
izandu du fama  
logratu<sup>21</sup> izan balu  
deseo zuana  
laster galduco zuen

<sup>16</sup> *berorren* lehen, 11/2 bertsoleroan, eta *bedorren* orain. Inbidia ematen du hitzak letra bihurtze-ko naturaltasun lasa horrek, gaur egungo xuxenkeria ortografiko edo fonologiko extu eta ergel hone-tatik begiraturik, bai behintzat.

<sup>17</sup> Liberalen aurka altxa aurretik, Anoetako erretore izana baitzen.

<sup>18</sup> Ikus ORDUKO GUDALBURU BATZUK sailean *Artzai* honen kontuak.

<sup>19</sup> Ikus ORDUKO GUDALBURU BATZUK sailean jaun honen aipamenak

<sup>20</sup> Ikus ORDUKO GUDALBURU BATZUK sailean *deituna* honetaz esandakoak.

<sup>21</sup> Zenbat bider leitua ote nago *logratu* aditza bertsopaperetan! Orain *lortu* erabiltzen dugu, baina, ez da oso aspaldiko *puritanismoa* ere. Euskaragoa ote da ordea *lortu?*

gure legue ona  
baño beti esperanza  
jangoicoagana.

15

Beren<sup>22</sup> capitanaquin  
**peseta bicoac**<sup>23</sup>  
lapurretan eguiteco  
gutziz ciran pijoac<sup>24</sup>  
bazuec pobreac ciran  
besteac aundiscoac<sup>25</sup>  
aizaqui ona zuten  
**anchicen**<sup>26</sup> mendicoac  
ezdituzte atera  
prodijio gaitoac.

16

Oraingo cenbat guizon  
chit dira ajenteac  
baña gure ezquera  
arras inocenteac  
ya franco icusi du  
necazari jendeac  
orobat<sup>27</sup> adizen dira  
beste trabajanteac  
eztu iñorc ongui arcen  
daducana quenceac.

17

Constituciozale  
picaro ingratoac  
lucifer eta Barrabas  
ciran becin gaiztoac  
jan edan bicio gaizto  
gañeraco jocoac

<sup>22</sup> Asko galdu da pluraleko *beren* hori, eta *bere* erabiltzen da kasik beti pluralean zein singularrean, holako konkordantzia asko galtzen ari da euskara joskeran, hizketako isuria eta zehaztasuna ahuldu ahalean.

<sup>23</sup> *peseta bicoac*: liberalac. 18/2 bertsolerroan berriz: *peseta bicoaz*.

<sup>24</sup> *pijoac*: ausartak, trebeac, azkarrak... Ez, ez zen gaurko *pijo* klasea. Oroitzen Bautista Bazterretxeren bertsoaz? Hemen bezalaxe, hartan ere lapurretari lotua ageri da *pijo* kontua:

*Bautista Bazterretxe, muriko pijua,  
nere gurdí ardatza (bis), ostuta dijua.*

<sup>25</sup> *aundiscoac*: haundi samarrak, aberats antzekoak... Gaur *haunditxoak* esanen lukete seguru aski, Berastegi aldean, erruz galdu baita -sko atziskiaren erabilera ugaria: *gutisko, luzesko, maitesko, gehisko, idisko, zurisko, berrisko, ttikisko, motzesko, altusko, goitisko, hobenskonak...* Zenbat modutara aditua ote nago Goizueta aldean!

<sup>26</sup> Ikus ORDUKO GUDALBURU BATZUK atalean, honi buruzko zalantzak.

<sup>27</sup> orobat: *hala berean, igoal berean*. Gaurregun herriak galduxea duen esanera.

cumplituceco bacinuzten  
guri quendutacoac  
eztaquit nola daduzcan  
biciric jangoicoac.

18

Iñorc galdecen badu  
peseta bicoaz.  
aurtengo ardieng guisa  
diranac badijoaz  
dañu<sup>28</sup> aundiric eztago  
oyec izcutatuaz  
oso ernegaturican  
cebilzan jangoicoaz  
notici obeac ditugu  
(...?)<sup>29</sup> mendicoaz.

19

Constitucio ori  
bijoa noramala<sup>30</sup>  
erraz esan dezaquegu  
arrazoza dala  
cergatic atera zuen  
pensamentu argala<sup>31</sup>  
aspaldian izan due  
bear aimbat gala  
orain cantacea due<sup>32</sup>:  
viva lairon tragala<sup>33</sup>.

<sup>28</sup> *dañu*: kalte. Hagitz maite dut hitz hau, eta berriz esanen dut *kaltetu* baino euskara hobeagoa iruditu izan zaidala beti *dainatu* aditza. Eta hala ez balitz, eskertuko nuke bihotzez, filologo argiren batek esplikatzea zergatik. Orain hamar urte Xabier Mendiguren gaxtearekin aritu nintzan ezbaian, eta atzo bertan leitizen nion Koldo Zuazo jaunari, *dañu* erdarakada gordiña dela (Euskalkiak, 84 or.). Hau mixeria gureal....

<sup>29</sup> hitzen bat falta da hemen, eta nik esan behar banu, 15/8 bertsoleroko *Anchizen* edo delako hori da falta dena. Ikus ORDUKO GUDALBURU BATZUK atalean, honi buruzko zalantzak.

<sup>30</sup> Erruz ageri dira *noramala* eta *norabuena* hitzak garai bateko bertsio zaharretan, espainolezko *enhorabuena/mala* (en hora buena/mala) esaneratik hartu eta euskarazko *nora* zentzura ekarriz grazioski etxekotuak. Leitzarrek eta aresoarrek 1860 aldeko ihautetan izandako borrokaldia zela medio ateratako bertsoetan ere, honela dio hasierakoak:

*Aisoarren bandera  
Ai nolakoa ote da!  
Errekaldera ekarri due  
erakustera.  
Gero leitzarrak bidera  
norabuenak ematera  
aal zuenak ariñ yoan ziren  
irraiterra.*

Begibistakoa da, "norabuenak ematera" horrek, ironiaz "egur ematera" esan nahi duela.

<sup>31</sup> *argala*: ahula, kaskarra, txarra,... eta ez preziski *mehe*, *mehar* huts.

<sup>32</sup> *cantacea due*: kantatzea daukate, (kanta dezatela, nahi badue), (kanta dezakete)...

<sup>33</sup> *lairon trágala*: ikus bi hitzon zentzua ORDUKO JERGA POLITIKOA sailean.

Orra orain obey verso<sup>34</sup>  
 sermoy baten pare  
 oraingo ocasioac<sup>35</sup>  
 obligatu nabe  
 iñorc eguin nai badu  
 arrazoyer jabe  
 miñ artuco duenac  
 nosqui badirade  
 orra nic declaratu  
 errecelo gabe.

### KANTATZEKO EDO LEITZEKO BERTSOAK OTE?

Hiru orri ditu bertsopaperak guzitara; aurreneko biak zortzina bertsoak eta azkenean laukoa. Izzatez, bosna puntuokoak dira bertsoak, baina doinu jakin bat hartuta kantatzeko, neurri nahasi samar batean idatziak daudela ematen du. Niri behintzat, ez zait batere samurra egin, esaldiak doinu jakin baten neurriira plegatze kontua; eta hirulau modutara benik saiatu naiz gutxienez.

Beste aldetik, berriz, bai esaldiak antolatzeko eta elkarri josteko tankeran, bai erriman, bertsolari kastako belarria duela iduritu zait egileak. Nola liteke, orduan, esaldiaren oina ongi eterriarren, doinuan ezin sartu izatea? Honetan inor baino lehen eta inor baino erneago aritua zen Orixek, honela erakutsi zigun:

“Ona emen lerro oiek neurtzeko bi bide: lelotarako edo kantatzeko egin direnena, eta esateko edo irakurtzeko egin direnena”.

Eta hara nola argitzen dituen beste berastegiar batek, Paulo Iztueta jaunak<sup>36</sup>, Orixek honetaz hain belarri eta buru ernez esandakoak:

”Orain ulertzen da Orixek zergatik aplikatzen duen bertsoen neurketan batzuetan *silaben legea* eta besteetan *oinena*, segun eta zertarako den, *kantatua* ala *irakurria* izateko (...).

Kantatzeko bertsoari doinuak ezartzen dio erritmoa; irakurria izatekoari, aldiz, hizkuntza mintzatuari darion berezko doinua dagokio eta horri segitu behar dio neurriak (...) eta bertsoak egiterakoan, oso kontuan hartu behar dira kantatuak ala errezipitatuak izateko egiten diren”.

Horra aukera ederra, Orixeren teoria horrek zinezko funtsik baduenez proba egiteko. Hartu eskuan bertsook, eta egileak doinu baten arabera kantatzeko sortu ote zituen, edo inolako doinurik gabe bere usarioko hizketaren barne erritmoaren ariora irakurtzeko edo errezipitatzeko sortu ote zituen ikustea, batera eta bestera probak eginez.

Ni ez naiz batere aditua, metrika eta oin kontu xorrotxotan, baina, Orixek honetan arrazoi guzia zuela aitortuz, eginen nuke apustu, irakurriak izateko sortuak direla bertsook, eta ez, inondik ere, doinu jakin baten lelora kantatzeko.

<sup>34</sup> hasierako titiluan *berso*, eta hemen *verso*, berriz.

<sup>35</sup> *ocasioac*: disputak, elkarren arteko gatazkak, ezin konponduak, istiluak.

<sup>36</sup> ORIXE SAIOGILEA, 167-168 orriak, Triusque Vasconiae, 2003.

## EGILEAZ ARGIBIDE BATZUK

Bertsook idatzi zituena nor izan zen jakiteko, bigarren bertsoan aitaten den urtea, “*milla ta zorcireunda obei*” buruan ongi hartu, eta bizpairu urte goitibeheti, garaitsu horretan Berastegiko elizako paper zaharrak aztertuz, eta idazkerak konparatuz, atera liteke nor zen bertsoon idazlea. Baino, oraingoz ez dut horretarako betarik hartu; ez eta azterlan honek, hango eta hemengo artxiboetan eskatuko lukeen segimendurako patxadarik ere.

Dena den, gai honen arrastoan zer edo zer ibilia den Javier Salbarredik esan didanez, Juan Antonio Loydi izan omen liteke bertsoon egilea; sortzez Leaburuko Kilimodi baserriko semea, eta Berastegin aldi batez apez izana, noski.

Nolanahi dela ere, idazteko grazi puxka bazuela ezin ukatu. Eta sermoi kontuez ari garela, ez ote zituen bertso hauek ere mezan kantatzeko edo deklamatzeko idatzi izanen? Larri ibili. Begira zer esaten duen atzeneko bertsoan:

Orra orain obey verso sermoy baten pare  
oraingo ocasioac obligatu nabe...

Edozein gerratetan ere, maiz erabili baitzuten apaizek, kulpitutik sermoi ikaragarri eta espantu bidez, euskaldun nekazari inoxoak alde batera edo bestera iraultzeko atarramentua. Segurantzia osoz ezin esan, ordea, zein izan zen bertso hauen egilea. Ez baita, gainera, batere, harritzeko bere eskua eta izena estalixetzen saiatzea ere, holako istiluetan. Inork izatekotan, Aita Zavalak argituko liguke hobeki, baina, oraingoz ezin hasi gure patriarka xaharra nolana hi molesatzen; inoiz baino larrago, bere lan haundietan itoxea baitabilki-gu atzenaldi honetan. Hala eta guzi, ni baino trebeagoren batek asma baleza, eman biezaio aspaldiko ejakin honen berri, nire animorik bihotzkoenak adierazi bidenabar.

## ESKERRAK BIHOTZEZ:

Bukatzeko, nere eskerrik bihotzkoenak, Javier Salbarrediri, bertsopaper hau nere esku baldarretan uzteko atrebentzia izategatik, eta Kontxi Zozaiari, gero bertsook dokumentatzeko, Auspoaren Sail Nagusitik, *Karlisten Leenenengo Gerrateko Bertsoak* izeneko liburua uztean erakutsitako borondateagatik, eta nola ez, Patxi Salaberri jaunari, orriotan argitaratzeko ardura beregain hartzeagatik.

## LABURPENA

### *Berastegi 1823: “Berso berriac”*

Karlistaden garaiko bertsoak, bietakoak ere, aski ezagunak ditugu Aita Zavala egindako bilketa eta azterketa lan ikaragarriari esker. Bainan, realisten gerrateak ez zuen halako hotsik atera, ez eta orduko bertsoek ere. Bada, idazlan honetan, hain juxtu ere, hain ezaguna ez den gerrate hartako bertsopaper ezezagun batzuen azalpena egiten da, beren garaian eta giroan txertatu bidabar, testua xehero aztertuz.

Berastegin apez izandako batek paratuak izan litzke bertsoak, hala adierazi digu, behintzat, bertsopaper honen zuztarrena eman digun Javier Salbarredi jaunak, baina, segurantzia osoz ezin esan.

## RESUMEN

### *Berastegi 1823. Nuevos “versos”*

Los versos (composiciones poéticas vascas) de la época de las guerras carlistas son bastante conocidos, gracias a la inestimable labor realizada por el padre Zavala. Sin embargo, la guerra de los realistas no tuvo tanta resonancia, ni tampoco los versos de aquel entonces. En este artículo hacemos un análisis minucioso de ciertas composiciones desconocidas hasta ahora, e intentamos situarlas en su época y en su ambiente.

El autor podría ser alguien que estuvo de cura en Berastegi; así opina al menos Javier Salbarredi, a quien debemos la pista de los textos que analizamos. Con todo, no se puede estar completamente seguro de ello.

## RÉSUMÉ

### *Berastegi 1823: “nouveaux” vers*

Les vers (compositions poétiques basques) de l’époque des guerres carlistes sont assez connus, grâce au travail inestimable du père Zavala. Cependant, ni la guerre des carlistes ni les vers de cette époque n’ont eu autant d’écho. On fait ici, une analyse minutieuse de certaines compositions inconnues jusqu’à présent, et on essaie de les situer dans leur époque et dans leur ambiance. L’auteur pourrait être quelqu’un qui a été prêtre à Berastegui; c’est au moins ce que pense Javier Salbarredi, à qui nous devons la piste des textes que nous analysons. Cependant, on n’en est pas absolument sûrs.

## ABSTRACT

### *Berastegi 1823: “new” verses*

Verses (Basque poetical compositions) from the period of the Carlist wars are relatively well-known thanks to the invaluable work performed by Padre Zavala. However, neither the war of the royalists or verses from that time have had such impact. This article performs a meticulous analysis of certain compositions unknown until now and tries to locate them in their epoch and atmosphere.

The author could be someone who worked as a priest in Berastegi; that, at least, is the opinion of Javier Salbarredi, to whom we owe knowledge of the tests analysed. We cannot, however, be entirely sure of this.

